

BOSNA I HERCEGOVINA
BRČKO DISTRIKT BiH
OSNOVNI SUD BRČKO DISTRIKTA BiH
Broj: 96 0 K 161998 26 K 2
Brčko, 04.05.2026. godine

Osnovni sud Brčko distrikta BiH, sudija Zlatić Fuad u krivičnom postupku osuđenog S. M., sin D. iz B., radi krivičnog djela Nasilje u porodici iz člana 218. stav (4) Krivičnog zakona Brčko distrikta BiH, donio je dana 04.05.2026. godine,

R J E Š E N J E

Odbija se prijedlog branioca Fazlić Mirze, advokata iz Brčkog za zamjenu kazne zatvora radom za opšte dobro na slobodi osuđenom S. M. koji je osuđen na kaznu zatvora u trajanju od 1 (jedne) godine presudom Apelacionog suda Brčko distrikta BiH broj: 96 0 K 161998 26 Kž od 03.03.2026. godine.

O b r a z l o ž e n j e

Presudom Apelacionog suda Brčko distrikta BiH broj: 96 0 K 161998 26 Kž od 03.03.2026. godine S.M. pravosnažno je osuđen na kaznu zatvora u trajanju od jedne godine zbog krivičnog djela Nasilje u porodici iz člana 218. stav (4) Krivičnog zakona Brčko distrikta BiH.

Dana 25.03.2026. godine branilac osuđenog, Fazlić Mirza, advokat iz Brčkog podnio je prijedlog-molbu sudu da se izrečena kazna zatvora u skladu s članom 44. KZ BD BiH zamijeni radom za opšte dobro na slobodi.

U prijedlogu, između ostalog, navodi da prijedlog podnosi imajući u vidu sve subjektivne okolnosti koje se odnose na ličnost osuđenog ali i one objektivne koje se tiču svrhe kažnjavanja-starosnu dob osuđenog, njegovu raniju neosuđivanost, okolnosti konkretnog slučaja, doprinos oštećene nastanku štetnog događaja, kao i činjenicu da se svrha kažnjavanja može u potpunosti ostvariti i bez lišenja slobode te smatra da se svrha kažnjavanja može u potpunosti ostvariti i bez lišenja slobode te da bi izvršenje kaze zatvora predstavljalo nepotrebno strogu i nesrazmjernu mjeru.

Članom 44. stav 1. KZ BD BiH je propisano da kad sud odmjeri i izrekne kaznu zatvora do jedne godine, može na prijedlog optuženog ili njegovog branioca, odrediti da se tako izrečena kazna zamijeni radom za opće dobro na slobodi.

U konkretnom slučaju, sud smatra da nisu ispunjeni uslovi da bi se izrečena kazna zatvora zamijenila radom za opšte dobro na slobodi, te da je branilac iste navode iznosio tokom glavnog pretresa kao i na sjednici Apelacionog suda Brčko distrikta BiH u postupku po žalbi.

U smislu navedenog sud se neće ponovno baviti ocjenom navedenih okolnosti, ali će se osvrnuti na životnu dob osuđenog koji ima ... godina života, te je upitno koje poslove bi osuđeni uopšte mogao obavljati za opće dobro na slobodi. Takođe će se osvrnuti na odlučne razloge iz kojih je preinačena prvostepena presuda u pogledu izrečene kazne, a to su „pružanje određene satisfakcije licu na čiju štetu je krivično djelo počinjeno, oštećenoj K. S.”, pa je sud mišljenja da rad za opšte dobro na slobodi ni u kojem slučaju ne bi pružio odgovarajuću satisfakciju oštećenoj.

Takođe, sud cijeni da se zamjenom izrečene kazne zatvora radom za opšte dobro na slobodi ne bi izvršio uticaj na druge da poštuju pravni sistem i ne čine takva krivična djela, te zamjena

kazne radom za opšte dobro na slobodi ne bi bila opravdana. Dakle, zamjena izrečene kazne zatvora u konkretnom slučaju ne bi ostvarila generalnu prevenciju, a posebno uzimajući o obzir težinu izvršenog krivičnog djela.

Slijedom iznesenog odlučeno je kao u izreci.

SUDIJA
Fuad Zlatić

PRAVNA POUKA:

Protiv ovog rješenja može se izjaviti žalba
Apelacionom sudu Brčko distrikta BiH u roku od
3 dana od dana prijema istog a putem ovog suda.